

Pretoria hendaklah ditindas terus untuk perolehi keamanan

UM
KUALA LUMPUR 23 Mac — Perdana Menteri Datuk Sri Dr. Mahathir Mohamad hari ini berkata rejim Pretoria di Afrika Selatan hendaklah ditindas terus bagi memperolehi keamanan di negara itu.

Katanya, selagi rejim itu terus mempertahankan sistem buruk yang diamalnya selagi itulah

23 Mac 1986
Afrika Selatan tidak aman walaupun telah banyak kali ia menjanjikan 'reform' yang hanya merupakan kata-kata kosong semata-mata.

"Keadaan gelisah dan tidak stabil yang berterusan di Afrika Selatan adalah berpunca dari dasar apartheid dan diskriminasi perkauman yang diken-

kan secara kejam oleh rejim Pretoria," tegas Perdana Menteri.

Sehubungan dengan itu, ujarnya, kerajaan Malaysia menyeru seluruh masyarakat dunia supaya mengatur tindakan antarabangsa sehingga rejim Pretoria terpaksa berunding untuk membaiki ketidakadilan yang diamalnya selama ini.

Dalam perutusan Perdana Menteri sempena Hari Antarabangsa bagi menghapus perbezaan perkauman yang dikeluarkan di sini, beliau menambah, keadaan sedih pembunuhan besar Sharpeville yang berlaku 26 tahun lalu menggambarkan kepada dunia betapa rejim Afrika Selatan itu berhasrat mengekal dan

memperluaskan sistem apartheid.

"Watak rejim Pretoria yang menjijikkan itu diperkuatkan lagi dengan pengenaan keadaan darurat pada Julai 1985 di samping beribu-ribu orang rakyat Afrika Selatan telah berkorban nyawa untuk memperjuangkan keadilan serta pembebasan tanahair mereka," tegas Datuk Sri Dr. Mahathir lagi.

Sehubungan dengan itu, ujarnya, kerajaan Malaysia akan terus menyokong serta berdiri di belakang rakyat Afrika Selatan dalam memperjuangkan keadilan yang sah dan menghapuskan segala perbezaan perkauman dan apartheid.

Malaysia tetap berdiri teguh menyokong apa jua cara bagi memudahkan penubuhan sebuah masyarakat demokratik dan tidak perkauman di Afrika Selatan seperti yang diannuti oleh Perhimpunan Agung dan Majlis Keselamatan Islam.